

養素堂文集

養素堂文集卷十六

崔威張 謝介侯

論一

太公誅綽士論

韓非子云太公望東封于齊齊東海上有居士曰狂喬
綽士昆弟二人者太議曰吾不臣天子不友諸侯耕伯而食
之掘井而飲之吾無求于人也無上之名無君之祿不事
仕而事力太公望至于營丘使吏執殺之以爲首誅周公
旦發急傳而問之以爲殺賢者後世諸儒多以爲無此事
余謂實有之不足爲太公病也讀六韜篇其對文王六賊

曰臣有抗志高節以爲氣勢外交諸侯不重其主者傷主之威又曰臣有輕齎佞賤有司羞爲上犯難者傷功臣之勞其對七害曰朴其身躬惡其衣服語無爲而求名言無欲而求利此僞人也王者謹勿近又曰奇其冠帶偉其衣服博聞辯辭虛論高議以爲容美窮居靜處而誹時俗此姦人也王者謹勿寵窺太公之籌策識見深惡此犯言干政者非惡其抗志高節也儻使尋士翼鴻霞舉滅跡銷聲太公烏得而誅之惟其虛論高議朋比黨援是以誅之不疑耳是猶戮營蕩之志也觀漢時黨錮諸賢豈必小人而把持朝權公卿倒履氣焰熏灼宦孽側目咸遭屠戮獨申

屠蟠息影樹下緘口時事得保首領是爲知機明乎此又何疑于湯之誅陰諧文王之誅潘正孔子之誅少正卯也

杜伯論

異哉杜伯之報宣王也白馬朱弓突起道左射王中心伏弢而死是誠鬼雄哉何彊鑿至此張子曰此墨子尙鬼之說不可爲訓者也夫杜伯之被誅誠不知其何事而說苑言非其舉左儒九諫之而不許卒戮之周春秋以爲宣王之妾女鳩欲通于杜伯杜伯不可女鳩訴于王乃囚于焦使薛甫與司工錡殺之是杜伯果無辜而死矣吾觀比干受剖心之慘關龍罹炮烙之酷渠其叢巨惡干刑憲哉何

寂無精靈以報沈寃也後世忠臣遭暴虐者多矣亦卒不聞刻期誓報顯箸彊魂何耶或曰墨子之言所以戒人君不可妄殺其臣非猶夫睽車之志也張子曰不觀之天平或雷電以殺人或水旱以殺人或暑寒疫癘以殺人而人卒不敢與之爲仇者以造物司其命耳君父亦天也君父而可仇則天亦可仇此悖理之尤者也克黃鬥辛之言豈未之聞乎觀墨子敘燕簡公殺莊之餼事與此正相類必係杜伯之子孫怨懟宣王造此讐言以明先人之能神宣王之被旤以洩憤懣而後世陋儒稱述埶會爲書如顏之推還寃記仍是歸心篇之旨也彼左儒者豈非朋黨之愆

人哉

李斯論

余嘗讀韓子書痛其抱瑰異之才干彊暴之主欲鬻其說
卒隕其身而深恨李斯之嫉賢妬能爲已甚也夫斯與非
同學荀卿自知其才之不逮非也久矣設非一旦柄用其
措施規畫必有大異乎已之爲之者故與姚賈其排之以
下吏又恐始皇終悔之而赦之也急遺藥以殺之雲陽其
伎心尚可問哉或曰斯乃貪富貴戀權寵之人懼非之見
用而奪其佐故沒意殺之也與趙高之殺正先相同余曰
斯蓋自負其才忌前護短不使他人出其上而欲騁已之

長也觀其駁淳于越之奏曰今諸生不師今而學古以非
當世惑亂黔首私學而相與非法教人聞令下則各以其
學議之入則心非出則巷議夸主以爲名異取以爲高率
羣下以造謗云云直欲箴制天下之口使之卷舌而不敢
言而已乃表襮其才于世而莫之與京也呂不韋嘗箸春
秋趙高作爰歷篇胡毋敬作博學篇程邈作隸書斯卽作
蒼頡七章改大篆以與之競始皇之東巡也其禪梁父祠
嶧山登琅邪上之梁游碣石巡會稽博士數百人豈無一
能操觚者而勒碑碣之文皆出諸其手其不肯以文章讓
眾尙肯以權佐假人耶然子由告歸咸陽百官上壽斯喟

然嘆息于物禁太盛物極必衰未知稅駕可以知其本志
不專在祿位也而二世之所以責問斯者卽以韓非之言
責之不得已阿意求容乃稱韓子慈母有敗子嚴家無格
虜及布帛尋常庸人不釋鑠金百鎰盜跖不搏之言祈憐
于胡亥仍勸其督責羣臣旣至拘執束縛仰天而嘆自明
其忠不卽引決腰斬咸陽而欲負薪入鴻門牽黃犬出上
蔡東門遂狡免得乎嗟夫此荀卿所以聞其相而不食苞
丘子所以修道白屋而不出甘爲潦歲之蠅也與

伍員論

世儒輒以子胥不與兄尙同殉父難爲不孝掘平王之墓

鞭其尸爲不忠數諫夫差不聽弗能遠引爲不智是皆溝
猶之見也當无極構讒太子遠竅父兄牽連血汙歐刀此
何如之奇冤也儻隨伯氏入楚死輕鴻毛則棄父廢名不
共之仇翻與戮天子胥蓋慮之熟矣于是隱忍避跡橐載
來吳見縛設諸以投閒隙迨至闔廬謀合計從楚國盱食
席卷方城蹂其宮室鐘破九龍社稷爲墟怨毒大雪下慰
先靈詎非奇男子哉或曰鄖公辛之弟懷以平王誅其父
而欲殺其子辛曰君討臣誰敢讐之君父天也若死天命
誰敢讐之此乃臣子正道子胥獨未之聞耶余曰溱蘇不
韋怨司隸卒鬻害其父掘鬻父冢出其尸殘之以祭父當

時論者咸以不韋比子胥邴原有云藥一丸可愈沈疴寧
救父而不救君是君父固有等殺也孰謂父仇不可報哉
當其扶服昭關徘徊溧瀨蘄中哀吟漁父鼓枻江干楊服
貞女授漁能使邂逅之人輕執圭而卻劍棄擊絮而捐軀
其精感爲何如者其說幽蘄也易如轉圜秘計縱橫奇兵
突冒一發而擲栢舉五戰而覆郢都宗廟毀廢寶器徙遷
據腹抉目鞭而誚之平生大憤一朝洗滌能不遇事獻誠
以報知己乎無如驕主玩敵伯嚭貪利彊諫速旤非不知
之屬子鮑氏易姓王孫冀畱遺種詎無意哉卒之馮同來
徵悲歌太康屬鏹剗喉縣目鯨門魂作怒潮良可悲已聞

之志不幽者思不逢心不鬱者智不慧吾竊以子胥之報
仇雪耻有含名教金石可銷沈憤難已者也

諸葛老族治蜀尙嚴論

或問於張子曰管諸葛公治蜀尙嚴乎余曰否否或愕然
曰諸葛公治蜀尙嚴前賢習言之而子獨不然其說安在
余曰今之治蜀者於豪右姦紳不敢過問曰取良弱而斃
之三木輒云諸葛公治蜀固如是也余厭聞此說久矣或
又曰然則諸葛公治蜀不尙嚴乎余曰荅鄉之治蜀蓋嚴
於吏而寬於民也耳食者未窺公之伯用輒云尙嚴耳不
曾觀國僑之治鄭平焚載書鑄刑書火烈民畏人是以爲

子產之猛也而民畏之不知子產之不事姑息者亦惟鉗制疆族俾無越思而後民從令也如流水數游楚之梟而放之於吳尸公孫黑於周氏之衢而加木殯伯有於平肆惡伯石之受冊正外僕之爲壇諫子皮之如晉用幣不許尹何爲邑而譬之以美錦學製朝廷之上肅然雖犯民乃望風景從莫敢奸法以速戾跡芒鄉之開府佗牧也怠慢者雖親必罰游辭巧飾者雖輕必戮廖公淵憤詭歆望廢之於汶山李正方去心顛倒徙之於梓潼劉威願言辭虛誕譴遣成都來敏亂羣表請退職彭永年自矜得遇旣遷於江陽復斃之於獄馬幼常其甄拔者也祁山之役違節

度卽誅之常道將曰惡無纖而不貶諒哉蓋其時承劉璋
闇弱德政不舉威刑不立蜀土人士專權自恣故威之以
法法行則知恩限之以奮奮加則知榮此嚴於吏之證也
不然所謂專權自恣者豈小民之云乎祁山之戰戰士萬
二千墮下者八千人卽催遣令去街亭之敗不肯更發兵
而考微勞甄壯烈造木牛流馬以轉運省饋餉之勞分兵
屯田耕耨雜於涓濱而居民安堵此寬於民之證也故邦
域之內畏而愛之沒之日百姓巷祭戎夸野祀今有喻於
此一家之內有尊長焉有主事之家督焉有羣從子弟焉
有奴僕臧獲焉爲尊長者欲其家之理則責之家督以次

檢束則家可齊設或不然目取子弟奴僕而呵怒之笞辱之任家督之逋蕩而寥浪則子弟不帥教奴僕不遵約無怪也已太公曰治亂之要其本在吏韓非子曰聖人治吏不治民賈子曰不治吏而治民民莫之治也菴鄉其知之矣何嘗嚴刑峻法毆誼部之民而使之重臣而太哉子產相鄭仲尼以爲仁以爲惠人又以爲遺愛不謂之猛也吾於菴鄉之治蜀也不謂之嚴者以此況其言曰商鞅長於理法不可以從教化白起長於攻戰不可以廣照嗚乎不可卽此以窺侯之以佚道使民乎宋儒以侯學本申韓未純王道後生瘡痍其見殆出桓乎菴小史下耶

平襄侯姜伯約論

當蜀漢之季郭瑁星翼相亮告薨雲亭成鄉相繼枋政然
皆循規居靜無所奮發獨天水姜侯才兼文武志立功名
心存漢室深解兵意加以膽氣勇決思慮精密諳西方之
風俗招羽翼於羌胡豈非上以振國事之衰下以訓羣侯
之遇哉遂乃出石營圍南安守狄道攻襄莖李簡獻城徐
質授首拔三縣之民破王經之眾當是時也鍾題雷銳再
練精兵儻將士同心協力上邽吾知鄧艾之師必殲於葭
谷何乃胡濟愆期坐失助最敵人乘隙星散流離此國侯
之所不及料者也既而淮南騷動秦川空虛又復赴駱谷

孫沈嶺銅長城駐屯水魏累惶恩賊將堅圍儻壽春之城
少延數月戾相機制變挑戰攻瑕彼守兵無多定能奏涓
上之捷何乃艾艾豎子銷聲不應空令英雄用嗟無所此
又侯之所不及料也迨至圍守胥去旋敗侯和以驕旅之
害抱疑危之心爲明哲之思避媒蘖之害沓中種麥雖有
儲胥而闔宇樹權且斂銅職斯固志士所椎心飲血時事
之無可挽回者矣然而忠誠懇切智見機先六年一表般
憂未然脫使後主從其石畫未雨綢繆卽簡翼化屯防阨
要彼鍾鄧者雖饒譎計徒爲樂城之爭何由陰平之入而
乃徵鬼竊奏事急遣行致關口之不守陷傅僉於身亡誰

之責哉然猶憑險列營劍閣無虞士季束手糧盡議還當
是時也景谷險保思遠兵全黃崇計售艾將成禽孰意縣
竹埋腳自潰成都驟車赴軍手令解甲此三蜀之士所由
氣涌如山拔刀所后與吾觀勃蘇復楚鶴志祈師田單全
齊牛焚燧尾自簪偉功多成理外誠使北將咸誅魏卒盡
殪大權歸手會猶几因社稷危而復安日月幽而復明不
爲難也乃竟白梃未發東門潛焚絕弦將張邂逅不會身
屠族覆爰祚以終豈非天哉或者見侯績用弗成遂興訾
詬以爲區區蕞爾翫眾黷旅民嫌其勞國因以喪不知相
亮之時猶是幅員而經畧中原弗遑寧息則侯之屢耀師

旅猶是鞠躬盡瘁之懷也或又謂反覆順逆希情難冀倖
獲無成隣於愚闇不知會胎異志好爲事端搆成擾亂反
正可圖而密書罔驗奇謀未申由功業之將廢非明斷之
不周也或又謂江油兵疲按道可摧遠至五城致賊輕進
不知回錮救內首尾受敵卽屬寡算豈昧爭先而諸軍瓦
解不與意符奚以總帥五將擁衛所事乎若其鄭學擘精
昕夕無倦持躬絜儉清素可風遠志當歸必不出諸其口
陰養死士是乃期于有爲不獨涼州之上士實天下之雄
兒也而孫盛過貶且斥爲魏之遺臣是管仲射帶九合從
勞曲逆刺船六奇無益反令譙周書箋得稱識時之俊傑

北地伏劍等於經瀆之匹夫吹毛曲論吾無取焉

曹操論

操之惡稔矣弑后弑君殺皇太子甚矣哉余恨之恨之而
吾之文不足以誅奸魄因恨當時之主慮患之疏見利之
淺且未知天下之勢也方曹之挫兵于赤壁也其勢甚狼
狽也爲吳人者欲乘鑿兵之銳氣殲勢容之殘魂謂宜于
湘江瀝水之上要兩家以大壇歃血爲盟推諸葛爲盟主
周公瑾副之大集將士于壇上而盟曰若賊兵至而彼此
不相救援者皇天后土殛之若帥兵北伐而有逗遛不進
者皇天后土殛之又盟曰荊州用者之也今議以歸劉氏

則劉必德孫同心并力不惟進可以長驅許洛掃彌天之
賊卽退守邊疆而蜀嶺吳江之險操豈敢窺尺寸哉不此
之計令呂陸兩小兒蹶英雄之足乎德亦抱憤而幸三峽
失脣齒毀輔車何謀之左與夫操陰賊險狠無復人心其
得以覬覦非常羣材効用專以刑驅術馭非由心服苟挫
制得其道吾未見能鷗張也何則操之橫暴未必勝于桓
元也先帝孫氏之才智未必亞于劉裕也而元督四郡八
州手握戎麾勢如破竹夸其相遷其王巍然藻冕而自王
裕與劉毅何無忌等張膽爭先奮臂一呼大慙折首舊物
反正易若摧朽豈非協謀之故耶蘇氏謂操不能權之以

人重發于劉而喪其功輕發于孫而至于敗究亦事後案成敗之言若其爲奸人謀畫是爲虎附翼也吾不解也

莊子鼓盆論

胡爲乎妻死而以之鼓盆也媿狐鼠之顧戀無燕雀之徘徊忍矣哉或曰莊周達人也以生爲寄以死爲逸結髮何情齋眉何意箕踞鼓盆聊以自娛嗟乎此殆世之贅民也母得謂之達彼其蜉蝣萬物秕糠堯舜屎溺視道蚤蚩視仁不惜以身爲鼠肝蟲臂何知卜族之藝倫無怪其卮言曼衍畸行放絕也或曰老聃棄妹而鼠壤有餘糧子休亦猶龍之徙也子何詫焉余曰先王制禮無過不及御輪之

始矢以終身其夫富貴也則獲葛湘鋪主季女之尸其夫
貧賤也則茹藥衣黃僧餘光之壁亦甚劬錄矣況夫絲枲
歷時屬續待盡兒女繞牀而纓血糝鏡黯月而凝塵苟有
肺腸能不愴惻或曰奉倩之傷神戀其麗質劉徹之悴貌
軫乃芳容是用寫幽怨于瑤琴冀通靈于英石也余曰審
若此則孟光殂日屍應委于虎狼無鹽殯時隧可薦以荆
棘彼婦人者亦應爲子都化石不爲驢虺沈淵是何言之
莽也蓋莊周當名教黷弛之世肆鬼宇俶詭之蹤土苴典
禮莫此爲甚夫樊英漢之通儒也妻問疾則衣冠答拜常
林魏之名臣也妻餉饋則田野如賓蓋深知敵體之義者

也若乃魚目常鯢鱉膠不續拊破鏡而流連尋舊簪而珍惜彼都非人情乎哉

曲端論

世徒以金牌屢招黃龍莫飲三字樊獄隗順負屍爲岳侯之奇冤也而不知曲將軍之被旤爲尤烈夫其枕戈隴右負羽秦川三宵刀漏百戰箭瘢斐室散魄撒離哀嘯儻使大帥不掣其肘樞庭得假以權則金城以南麟府而北胡馬不敢牧秋風不能弓甚易易也奈何鵠鵠飛處滿日旌旗豎子慙妬遽奪戎麾謫之以求職幽之于牢戶毒藥潛施猛火殉熾鳴呼慘已夫甘泉延安之陷沒王庶原有可

祖龍方思山鬼衛壁迴已去於佛狸又恐帝昶實鹽思歸
葬西山故明廷自列乎至若痛哭之五十餘人從亾之二
十二士沐雨櫛風胼手胝足四十餘年忘其勞勩吟不動
於龍蛇垂自効夫牛馬雖無仁傑之偉烈返金輪於廬陵
亦有子家之孤忠奉馬鞍於埜井所謂朱亥鑠石不靡蕭
巨之木凝久慘凜不凋欵冬之花義悲六合仁感萬禩以
視當日之媚面授衣閉門延敵昧衛難之洪義拜殿下而
主臣者豈可同乖語哉

廣崇讓論

或諉於張子曰魯劉實以世多進趨廉遜道缺箸崇讓論

思以矯之其意偉矣然蒙觀奔仁激義莫先伯夸而魏老
譏其愚闇至德無名首推泰伯而王充姍其刑餘謙克之
道不其累與臆實聽熒願決所守張子曰唯唯余聞之古
諺曰終曰讓路不枉百步終曰讓畔不失一段誠有味其
言之也魯子產入陳賞辭六邑魯連救趙笑卻千金當世
獲嘉譽奕葉享令名豈不以讓爲美德哉故釋之進讓滋
世重名李愬服韃靼人知禮謙遜之於風化何如也若以
墨胎得國姬氏文身而安生瘡痍是乃心規漢鼎欲學元
公未幹父蠱自埒仲弓者也其爲盤理不足置齒或曰營
平建謀不歸功於破羌平原摧敵乃推美於進明議者之

論有左有右將何所準以爲樹鵠余曰君子貴推誠以存
理不可降已以徇世宜率心以啟謙不宜匿情以同物後
張老辭卿不如魏絳相如爲國屈於廉頗誠審其幾也則
是充國自守非同忌克將與顧廣比美矣真卿退遜失於
明諱殆與黃公同嗤矣或曰寵以梯旤福乃胎菑彼叔子
抗表不拜南城郅愔資輕不赴大郡不過廩鬼瞰之思未
必從鵜鵠之恥虞廷拜手不其邈與余曰管鮑窮餓分金
二餅藁季決獄賜牛一頭屬在萌庶尙敲德基吾觀鄭袤
十謝三公恐傷和氣薛綜固遜典選服其精心避賢者路
此風未息固不獨穆子之讓韓起子皮之聽國僑也或曰

孫饒戒子受封纓三承官避世委捐禾黍近於擅利隣於
獵名君子何則焉余曰不鹽肥沃之利者乃保世之長策
不辯疑似之嫌者又守身之良圖彼係伯種桑每開數尺
陳郕移籜輒餘一丈况都君擇壤周原讓畔而歷山尙有
爭隈之夫虞芮竟無間田之棄乎或曰子之清論爛心英
談溫目可謂扶繩而辯循刻而語矣彼劉子分別賢否乃
涉詭激爾滯傾光恩爾通裁余曰江海所以爲百川王者
以其善下也日月所以爲七曜先者以其虧闕也而執雌
持下金人三緘之銘也知白守黑柱史五千之指也今或
以卑下爲匡怯以亢厲爲雄桀以退遜爲汚辱以上蓋爲

振拔或遇暴抗轉生怨恨是非焚燭營毀頻興則福之去也距脫旤之來也茅靡是未游君子之國餐薰芻之草也彼楊魏忿狷葛相簪甘戚之論殷許爭競郭璞占大壯之卦可知求勝者逸岸之險路不爭者表應之要符矣若乃以屈爲伸以退爲進又各法之舍垢非聖賢之撝謙也故賢否明則讓不迷讓不迷則禮有主矣倘使鍾會鄧艾無傾軋之謀循遜順之道則功名且延於後罕聲稱方簪于簡策劉氏之論何爲伯哉

命論

或問于予曰伯牛歌采芣而厲顏淵望匹練而天卜商噬

索居而喪明子賤逢田辜而殘領賢者之遭酷罰如此也盜跖凶鑿而白首莊蹻橫轡而黃髮竇公瞽夫坐臻二百之壽齊景庸主生享千駟之榮信天道之難知乎何祥殃之靡準也予曰是則然矣不見桃李之向榮于春夏松柏之後彫于秋冬乎其早穠者非皇天之獨厚其晚翠者非后土之特豐其所稟受不同詎冥漠有所左右耶夫父母之于子豈不欲其形骸之端正性理之和平智慧之聰達垂歲之旗翼而或跛躄或頑鈍或驚驚或短折者何哉由受氣有醇駁賦性有清濁降形有妍媸生理有修短倉人洪鑪從草與躍冶殊情泥受陶甄堅緻與薜髻異器職是

故耳或曰人之美惡既定于生初矣何以祗瘳者得公侯
嬪寵者據要津竝重者棄道邊冰清者饑空谷似文繡出
於黼黻爵祿不歸於斗極也予曰孔子大聖也攝司寇者
數月老聃至人也守柱下而襲韋而三桓分魯六卿專晉
雖鷗張于一時鵠鳴于二國卒之子孫式微惡聲雷沸譴
之者污口聞之者洗耳噫雉者腐素王之徽稱猶龍者錫
乎帝之大号以此而推天之于聖賢奸囊何燭照數計之
不爽乎或曰天之惠物無私也何不齊后囊于彭蠡均黔
婁于猗頓而爲是差池予曰夫盛陽呼茶之期而葦歷枯
死窮陰凋謝之候而薺麥蔚茂天豈有心哉吾觀時事机

梃國勢孤注赴義者決脰以捐生貪利者割名而蒙耻亦
各其志耳若乃世際休明寰海榮鏡干戈載戢煖煖不興
陳平之六奇不用諸葛之八陳無庸其時雍容庠堂杖節
邊陲相不必姚宋而庶績熙將不必孫吳而四夸服亦由
所遭也命有三科援神契之輿論命有二定申包胥之昌
言子何疑于通塞之殊遇善否之異報與客乃振衣而起
卑陬而稱曰向以爲人力可以致尊顯而不知花之墮茵
溷隨風而至也彼蒼可以回天札而不喻酒之有醇薄因
麴母而分也鼓聞高論如發矇焉

氣論

天之下地之上皆氣也太虛不能无氣氣不能不聚而爲萬物萬物不能不散而爲太虛太虛也實莫實於此矣浮屠以山河大地等之野馬塵埃旣不恒以知氣或又以驕陽亢旱鼇極震隔遂疑氣之蜿蜒扶輿盤礴鬱積亦有不周到之處不流行之時夫嵩高九重幹維繫之緹室之灰候律而飛天之上地之下皆有氣以鼓盪若其不降不升正猶人身之血貫于膀胱胃腸脾肝肺腎之閒而有癰結焉則闕矣從執此以論妄孰甚焉我無以驗之但以顯然者驗之銅山崩而雉鐘應蠶絲珥而商絃絕麒麟鬪而日月食鯨魚死而彗星出賁星墜而渤海決陽燧見日則然

而爲火方諸見月則津而爲水以至絃寶之鐵躍于池內
黃鐘之鐸鳴于土中虎嘯風生龍騰雲屬磁石引鐵琥珀
拾芥邇目知晏陰諧知雨是何也皆氣之感通也上則爲
日星下則爲河岳幽則爲鬼神明則復爲人鬼之氣屈神
之氣伸此二氣之說也以一氣言之則方伸之氣亦有伸
有屈其方伸者神之神旣屈者神之鬼旣屈之氣亦有屈
有伸其旣屈者鬼之鬼其方伸者鬼之神也儒者讀聖賢
書所學何事曰養氣而已矣養氣之道使其聚不使其散
使其斂不使其浮使其下不使其亢聚則彊斂則聚下則
斂靜如大帥專如嬰兒一值時勢艱虞奸人窺伺敵國外

患糾紛盤結向之號爲推倒一世曩傑者志忑焉蹙蹙焉如首鼠如死灰如敗鼓如啞鐘而獨譚笑奮臂權賢不避臨事制宜聲色不動宵小息謀其軒昂歸落突兀崢嶸者可以薄日星可以貫金石可以恣鬼神矣噫若而人者吾安能見之

懽赦論

管子曰凡赦者小利而大害故久而不勝其旣無赦者小害而大利久而不勝其福惠者多赦先易後難法者無赦先難後易惠者民之仇讐法者民之父母是誠爲政之龜鑑也諸葛治蜀不輕語赦或有問者公答曰治國以大德

不以小惠豈非深有味於其言哉而世儒遂以諸葛治雜
管商申韓不純王道訾之矣夫古者始受命之君承大
亂之極被前王之惡其民竝爲敵讐固不寇賊消義姦宄
奪攘以革命受祚爲之父母乃得一赦也若虞書之言
眚災肆赦者蓋孔氏謂過而有害乃緩赦之程氏謂眚過也
過失而入於舉者災害非人所致而至者眚則縱肆寬緩
之災則赦而除釋之林少穎謂眚災者不幸而入於舉
其舉非已作或爲人望誤而入於刑如論語所謂雖在縲
紲之中非其辜也如此之人情在可恕逋逃未獲則肆之
已獲而用繫則赦之曾氏又謂自生謂之眚天火謂之災

舊災雖有所肆亦赦焉其說雖異要非若後世之元惡大
憝一概盪滌之也如大舉亦赦則殺人者不死傷人者不
刑亂莫大於是而豈致治刑措之道哉故吳濂對光莖曰
願陛下慎無赦而已先帝曰吾周旋鄭康成盧子幹曾未
語赦來敏責黷禕曰赦者偏枯之物也諸葛公可謂能慎
刑

貪吏論

嗚呼貪吏之蠹國病民豈非不顧天理不畏國法者耶或
曰貪猶勝于酷貪則脂膏自潤谿壑可盈晷夜喪金不耻
銅臭日中攫市若慕羶行是偷兒之不能得廉名也若酷

吏之爲也高秋鷹隼所當者破迅怒雷霆所向必摧淵魚
難逃烈火誰犯故太史公傳酷吏而不傳貪吏也余曰否
否大田之詩曰去其螟螣及其蝥賊解之者謂食苗心曰
螟食葉曰螣食根曰蝥食節曰賊吏有貪者則感而生此
然則貪吏之害民殆如螟螣蝥賊之害苗而謂可寬貸乎
夫貪人敗類其欲無厭見清白者而生忌則讒毀之見富
厚者而接誣則侵奪之其始也如穿窬之攘竊繼則尅貨
于國門卒之放手恣心如虎狼之吞噬敲朴誅求民之膏
血竭矣是貪未有不酷者也觀于周紂免歸築塹自給董
宣旣没布被無餘安在酷之必貪乎諺曰魚不畏網而畏

鵠鵠獸不畏射而畏陷阱蓋言貪之充類食敖倉而仍饑
飲江海而猶渴也漢法盜律有受賕枉法之科罪至死又
賊吏子孫錮及三世不得察舉唐肅宗太極元年制官典
主司枉法贓一匹已上並先決一百而改元及南郊赦文
大辟罪以下咸赦除之官典犯贓不在此限宋初南郊大
赦十惡攻劫殺及官吏受贓者不赦是知亂政同佐商后
伯其丕刑貪以敗官夏書訓之必殺而宗均叔庠乃云吏
能弼厚雖貪污放縱猶無所害至于苛察之人身或廉法
而巧黠刻削毒加百姓災害流亾由此而伯如是去言何
異嚙盜蹠之割肝而嚙夸齊之食薇乎

無訟論

孔子有云必也使無訟乎蓋大畏民志無情者不得盡其辭故無訟也不謂今貪酷之吏亦能使民無訟幾與聖人爭能其故何哉彼其貪狼爲志剝膚爲心樹之以爪牙陷之以罟獲而攫取其貲殆如焚林而田者之無逸蹤竭澤而漁者之勝鵠鴈也而又變亂黑白僨到是非可以使伯豸爲貪夫其姬爲淫婦可以使田常爲忠臣莊蹻爲烈士其始也奸民乘之訐告快逞其私久之亦深被其毒而不願終訟于是乎訟竟無矣若乃廉平之官感鵠亭之鬼可洗數年之沈寃剖雞嶠之穀卽以決一旦之爭蹕白胥于

以生肉戴盆可以望天鄰縣且來投詞里民誰肯卷舌朝
訟夕結役不索錢而牒訴者轉紛紜也于是乎多訟鄭康
成行露箋云民被化久矣故能有訟亮哉觀于此可以見
世邇之升降可以驗吏治之純駁而聖人爲不可及矣

養素堂文集卷十七

荅威張 澍介族

論二 議 篇

姓氏論上

何人而不有姓也何人而能知姓也不知其姓則不知其
性矣不知其性則不知其生矣姓者生也山有脈也脈爲
來龍水有源也源爲養泉草木有根也根爲本山自崑崙
分不知幾千億峯也水自江河分不知幾千億派也草木
發爲枝葉又不知其幾千億枝葉也而苟診其脈尋其源
歸其本固可以得山之性水之性與草木之性矣而人姓

之性豈有不可得而識別者諸姜之性宏諸姚之性仁張王之性寬李趙之性慤劉范之性急嬴偃之性雄尚呂之性悁熊羣之性異姬黃之性廣曹檜之性偏蓋古人因五畜以定姓又因姓而知其性知其性乃知所以生矣後之人違仇難而改其姓蒙叅養而冒其姓甚且畏權勢而易其姓慕爵胄而假其姓久之則迷其始忘其祖矣彼佛家者流乃背其父母棄其妻子不姓不氏其從亦蔑其姓氏而從之咸改姓爲釋亂先王之大倫瀆生民之正典何其不仁之甚耶故盡性者必達乎理知生者必至乎命豈從稽申都信都申從申屠之皆同別長勺尾勺長孫長兒之

各異而已哉

姓氏論中

嗚乎姓氏不明世次必亂人倫因之竇秦風俗寢以衰薄
所必然也堯伊祁姓也舜姚姓也嚳昧者以爲皆出黃帝
是重嚳爲堯五世從子孫乃妻五世高祖姑矣賴有呂梁
碑足以正之伯翳者少昊之後嬴姓皋陶之子也卽大費
若伯翳乃高陽之第三子隤歟而或混爲一人無怪以女
脩爲男子以大業爲卽皋陶又以大業之妻女嚳爲大業
之子矣且理李古通用字也呂氏春秋云皋陶爲李李者
理官也其後有理氏李氏蓋以官爲姓而淺者謂生於李

下或又謂因亂食苦李而得姓葛孝先則云老子母李氏
女老子因母以爲姓范祖禹乃譏史以士爲大理屬不經
以李氏出皋陶爲非是置不究姓氏之源流以臆爲說耳
彼張納之碑以張本於張宿桺敏之碣以桺因於桺星何
所依據造是詭言張王李趙易是類謀謂爲黃帝所賜姓
而姓書則謂王出靈王李因老子張趙始周之中世而不
知商有李徵夏有趙隱王倪在唐堯之代張若爲黃帝之
臣也若乃改芒爲蝮夏李爲虺易楊爲梟變蕭爲峭削孫
爲厲沒竇爲毒損元爲元以惡號加之本支而族誼離矣
張爲叱羅劉爲獨孤王爲鉗耳侯爲賀吐李爲徒何辛爲

普屯田爲紇干以左言冠之中等而習俗移矣晉秦皇燔
簡編薄姓丕君子深嘆其數倫魏帝會拒拔紀元氏君子
重責其背祖可不省與夫王莽動引典礼者也禁元城王
氏勿與同姓爲婚而自取王訢之女王伯興康成之高臣
也爲子納處道之女託以爲姓同源異冒黎張仲取范陽
張璉女弟問於張卓而猶連姻江南陶穀唐氏子也後納
唐女士有議者則以爲正自殊出是學士大夫且悍然不
顧典礼又何怪民風之濃惡乎然吾觀吳郡滿璋之相承
云是高平舊族而王源爲息鸞覓婚沈休文見之彈事李
揆本隴西名門而仝李輔國爲尊行縉紳以爲姍笑可知

清議尚在人閒也後之人可不重本自愛而甘蹈卑污以蔑祖辱宗黷世塵家哉

姓氏論下

嗚乎今之言姓氏者吾悲焉悲其懵於姓氏之源更改之故假冒之由聲音之譌徒習里巷之鄙說據家乘之荒言而淆亂之也爰黃以來族姓稀少未容糾紛降至唐虞平章百姓諒自犁然夏商之際土姓錫人紀脩定無勞素沿及有周小史奠世系司商協族姓彬彬乎其有章也春秋之世魯眾仲鄭子羽晉胥臣楚觀射父咸明姓氏言之有徵而世本一書獨爲精核皇甫謐以爲左氏所箸至於爰

漢劉氏承堯始於士會然周初匡俗事老子劉越可知劉氏非自秦方有也班孟堅自叙家世出於楚之鬬班以虎有斑文乃姓之然班宜作斑或古字少假斑爲班耳揚子雲家牒言揚出於晉之揚族而顏師古駁之謂無逼揚族之事雄之自述蓋疏繆東京以後作者日繁罔稱風俗傳亦言姓氏未能悉備王符姓氏志祇疏列國之氏大有牴牾應劭姓氏篇稍及後世之姓不免驕駁如潛夫以官爲出官佗不知虞有官之奇威出於齊威王不知湯有威子伯仲瑗以桐出於桐門竟忘軒皇之有桐君懿出於齊懿又忘桓公時有懿氏皆其漏略者也迨三國時管寧姓氏

之歌湮佚不傳薛綜宗謚之圖制服是辨難爲徵據以攷源流而晉杜預世族謚誤以庭堅爲舉陶之字復以蓼爲舉陶後偃姓夫舉陶乃少昊之後四世而庭堅則高陽氏之子六舉陶之後蓼乃庭堅之後也舉陶之後有舒蓼而非蓼舒蓼偃姓而蓼乃姬姓也降至六朝競尚門第三公之子傲九棘之繁黃黻之孫茂令長之室而何氏姓苑傳昭姓錄大抵紀鼎族而略寒宗是魯三卿賢于四科矣李唐以來其書浸多令狐德棻岑文本高士廉等奉詔所纂之氏族志一百卷許敬宗李義府孔志約等所上之姓氏錄二百卷雖不可見然唐書世系表根於諸家之書儼鎔

百出則原編可知林寶元和姓纂沿譌承繆最爲重惟東平陵之終氏譌爲陸終氏吳壽夢之子蹶由譌爲周人姓厥名由列禦寇姓列也而以列禦爲複姓落下閤姓黃名閤也落下乃巴郡地名而以爲複姓此類殆不可枚舉其時李利涉之編古命氏孔志之姓氏雜錄韋述之開元謚崔日用之姓苑畧張九齡之姓源韻謚徵引於他書者彌復馳謬趙宋之時身不重鄉貫家不尚謚牒而鄧名世姓氏辨證朱元晦亟稱之以爲熟於春秋時事而一往謬整如韃鞠書名也而譌爲人姓出就邀濮匈奴部落也而譌爲校尉邀濮似此者不可勝摘王伯厚姓氏急就篇多承

舊說亦未能考正是非如僊姓出黃帝之子孫而以爲出
曹之負羈伊姓本於堯時伊長孺而以爲始於殷之陟奮
如此者不可更僕鄭樵之氏族略自矜得意乃乖誤盈千
如驪夷叅龍氏之後也而以爲融夷彤氏姒姓國也而以
爲成王宗枝鬻熊卽鬻子也乃以爲熊十世後有鬻子越
質鮮卑姓也而以爲越質詣氏不知乃叱黎之子詣歸如
此者尤難悉數明人所箸道聽塗說等之自卽又何譏焉
總其疵瑕略而言之如以皇出三皇巢出有巢赫出赫胥
雙出蒙雙終出陸終岐出文王中出子牟恭出申生師出
師曠斯出夷種宗出竇人愚出愚公兒出語兒檀出灌檀

麥出麥丘麗出高屋泉出白水所衍于伐木液始于煮湯
烏胎于烏枝鳴桓分于齊桓公又以萬由于萬人得天下
三原于三州之父子芻因于牛哀之食芻慈根于才子之
慈和聖肇于隤歎之謚聖審起于面執之審曲苟基于居
旁之饒枸卑本于外國之卑耳如此之類殆同瞽說殊非
雅言且復脫漏妄費編摩此予所爲發憤慨嚔糾摘詆訾
勒成五書以質後哲也

人才論上

何古之人之才多也遺之大而不懼投之艱而能堪其恢
恢乎游刃有餘綽綽乎展足不蹶是豈鹵莽以將事徼倖

以成功哉自其始不移于物不滑其真凡兵農礼樂工虞
水火無不廋歷銳銀以求造乎其精而又養之以三物六
行以固其根本是其所學者正而其德裕也學正則不爲
縱橫押闔之術德裕則不爲容悅怱諛之行當其伏處衡
茅不求聞達粥粥若無能者一旦膺徵聘而出典章若素
諳政事若熟習舉而措之有旋乾轉坤之力而無雷振風
動之迹天下晏然如委裘也卽或時事艱虞外患兵戎內
變肘掖羣疑滿腹首施兩端而獨不動聲色鎮靜如常摧
疆寇于談笑消讒謗于無形宗社苞桑茅檐鳬藻若是者
得不謂之才乎哉然其人固未嘗以才自衒也小心敬慎

鞠躬盡瘁口吾以奉吾職耳後之人嚙蒺而愛慕之以爲才之兼于人也烏知其學之者爲何事德之積於厥躬者一發而攸往咸利非臨事周章以襲取之者乎

人才論中

今之人豈遂無其才哉然今人之所謂才太抵皆古人所謂不才者也以清勦釣名譽以接納獵爵位旣而以容默固巢窟久之則兜詖鉗忌以箝人口泄泄然冀承平之久享也遑遑然惟貨利之是殖也他人之以才見者不惟不濡厲之則曰是好喜事是好貪功必抑塞之而後已是乃今人之才也或曰今之膺大名登膺仕者詎非才乎哉余

曰是則然矣余嘗見其設施矣朝出一令曰某書院缺膏
火各府縣其捐之以佐士莫出一令曰某地有盜賊其添
兵數名以防守究之未嘗造一士祇以數金月費糜之也
究之未嘗獲一渠地方之報劫者置罔聞也凡若此者何
也曰吾以盡吾職耳偶有水旱不思撫綏之道則曰此天
災也今之民不良甚矣安可無天災以懲創之其理刑名
也務欲脫凶人之罪曰死者長已矣生者吾脫之可以廣
陰德其取人也以奔奔爲勤幹以營緣爲曉事以模糊爲
得體圖必如彈丸柔必如鮑囊而中才以下之人從風而
靡皆潰爛於其中而莫之返稍有克自樹大見頭角者則

挫折之困辱之甚且假事而罷斥之於是世乃無一才非
無才也陰柔之氣蘊結既深則生爲蠱螫虺蛇狐狸種育
旣繁相與噬齧不至於滋害萬物而不已孔子曰吾未見
剛者剛陽也天地日月山川非剛不立知乎此而可以得
才矣

人才論下

夫古人之才旣不出於今世而今世之才又皆大遜乎古
人然則天下之事將委諸此無才之人乎曰今之才不可
於帖括時菰中求之也不可於高設性命中求之也不可
於考据典故家求之也或曰然則今科第之人皆無才之

可取乎曰是不然科第中未嘗無才也其人而果才也未
嘗不可作時執未嘗不可講性理未嘗不可言考據其人
而不才也則作時執爲進身之階講性理爲護身之符言
考據爲獵名之具耳夫所謂才者如潁山大澤蘊穉潏厚
絕無崖岸圭角之形凝重不遷靈珠在握故其處無事也
若有事處有事也若無事隨所值之地而皆有以展布焉
不爲威折不爲勢回定大疑決大難如燭照龜卜之不爽
朝潮汐汐之必信胸無城府藏百萬之甲兵心有秤衡平
兩端之燕雀是其識通達而無滯其學淹雅而不窮故其
才泛應而曲當也彼故作喜怒以市威權廣布耳目以炫

聰明外假謙恭以昭大度僞爲廉儉以矜清名謬託經術以示果斷而且逢人言體用到處說猛寬若而人者非惟不得比於八元八凱且流於四凶而不自知矣可不哀哉可不哀哉

亂征論

自古奸雄之遷蠃鼎者必先竊其兵柄而後敢鳴張藻冕而自王倘有精明剛斷之主簡用忠亮彊毅之臣以爲之輔雖有抔厯陸梁之夫亦未能遽爾革命不過伺釁而動不於其身則貽之子孫耳當夏仲康之時羲和倂擾天紀乃命胤侯以六師征之蓋羲和黨羿者也征之而聲其辜

誅其身卽以羿之恣橫亦未敢旅拒王師以爲之援故仲
康猶得享國二十八季也宋蘇軾謂命胤佐誥咸由后羿
挾天子以令諸侯如後世司馬懿之誅王凌諸葛誕蕭道
成之制沈攸之楊堅之除尉遲迴翦除異已爲攘攷之謀
殆失之矣果如此則孔子何以列之百篇之內哉夫木有
朽也而後蟲生之隄有隙也而後蟻潰之至相以優柔之
性姑息之政失其兵柄故寒浞得以肆其梟獍逐之而復
弑之與夫以羿之信讒棄賢恃射從禽非有潑沈大畧尚
能覆國如振槁然後之人君可不剛其氣健其行而顧效
其樞巧藥於後苑蒔梧桐於雲和誕爲娛樂授人以大阿

而墟其社屋乎故予讀亂征而爲之三嘆也

季札論

管唐獨孤及爲毘陵郡守佗論貶毀季子以爲廢先君之命非孝埶子臧之義非公執卼全節使國纂君弑非仁是吳國之釁皆自其讓啓之嗚乎何摘瑕索疵掩其弘美乃爾耶是殆祖桓譚酈炎之謬說也余卽其事與其言而推擇之而後知其心爲可悲節乃足尚也方王僚之見殺也國人皆以季子爲賢而欲太之季子不受者非博讓國之高名也以爲罔殺僚而太吾吾而受之是吾與乎殺也吾與乎殺異日人猶得以與殺而訾議之廢置之旣且無已

況公子光耽耽虎視乎故徑返延陵躬耕不顧以終其身
聊以達節守節之言釋國人之繕繕耳其與衛鮒自棄于
野織屨食貧子臧盡致其邑與卿而不出何以異哉至于
投繯子產之家勛爲政而愼兀帶劍徐君之墓輕千金以
明心是其篤友誼也觀周樂知列邦之風依聲以參時政
葬嬴博掩廣輪之坎左袒三號以行是其達幽明也若乃
呼負薪者拾金來黨言而下謝闔閭聲而不宿警燕雀之
幕巢則有容可師也知叔孫穆子之不能擇人不得其死
勸晏平仲之納邑與政以免於難則先幾可法也彼叔牙
含酖臯由干伋伯車愛犬咎在豐財后臧棄母諸梁終不

正視子地貪馬率屬且以叛蕭何能儼此懿行茲乃高風
乎宜吾夫子銘題乎石歎息慨慷也夫

擬范蔚宗逸民傳論

三五之時塵邈矣洪崖高蹈廣成幽棲巢父洗耳許由逃
濱遐哉芳蹤不可追已降及夏殷相成棄爵而躬耕卜隨
聞讓而懷石厲操遂志翼乎尚哉周之興也方輔策蹇夷
齊采薇上不逼以軒輓下得成其峻節占飛遜者非矯俗
守盤桓者乃居貞亦由其介性然也春秋之世長沮桀溺
晨門接輿荷篠擁縑之倫咸不事王侯高尚其志藻之初
起淮陽應曜名與四皓齊光魯國儒生耻與叔孫並駕雖

激勸之塗未開而貞亮之志彌確豈非蟬脫浮埃之外騫
游霄霓之表者乎王新都以奸詐竊佐動慕古管亦嘗坐
芳餌以釣潛鱗引引網以羅逸翮希博好士之聲冀收羣
英之效然埋逸之士敬真之儒皆望弓旌而逃名見束帛
而匿景何哉由矯誣之政行而汲引之意虛也世祖中興
思賢若渴屢下尺一搜求巖穴宜其彈冠相慶于于然來
然或託耄老而回車或伴疾病而卧巷如逢萌郇倅郇越
其人者亦有不拒詔命翻然作賓乃箸綃頭而不謁對殿
陛而不臣又或張目加腹翹然自異不屈爵命如周黨王
霸嚴光其人者是皆志潔秋霜行皎皓月亭亭乎處士之

孤芳逸民之秀挺者也若乃桀傲不恭誕言抗主如河上之對孝文成公之答成帝有違中行皆所不取爰綜其清風亮節匡厲貪頑者列之於篇

漢高祖分羹論

世儒輒以劉季分羹之言爲無人理而詆譏之是矮人觀場之見也夫項羽雖凶暴有婦人之仁者也漢知其然故以吾翁卽若翁之言動之又以分我一杯羹之言挑之項羽聞之真以爲若翁卽吾翁矣其尚肯殺之負不義之名乎此漢之譎也楚人墮其術中而不覺此必出於子房曲逆之謀漢高蠲疏固不辨此倘使漢高哭泣哀求楚人以

爲灋之必欲得太公也其殺之必矣分羹之言此謂以不求求之也彼淺者烏足以知之

譙國洗夫人論

偶與友人言洗夫人事友多詆辭余艷然乃佯論章之
簪許負善相膺鳴雌亭侯之封杜姜通神奉東陵聖母之
號金章紫綬丞相拜虞母之堂青蓋黃華都尉隨董女之
駕尊崇旣濫功績無聞卽馮嫫乘錦車祗憑口舌以持節
卑彌受金印輒藉貢獻以希恩雖師氏通經賜儀成之丹
轂韋母授學坐宣文於絳紗可語潤身難言報國豈有飛
蓬提三尺之劍拂柳揚五丈之旗蒙盾褭瘡靖海隅之難

燧張官置吏備刺史之威儀如譙國夫人者哉或者謂李
波小妹善馳馬而運矛金襴胡婢常服鞬而調矢高氏之
禦突厥協佐古元劉媛之守代奴匡襄李謹踰城救父苟
崧之女乞師拔圍出夫劉遐之妻燒甲烏在中惻必乏梟
驍余曰是則然矣彼良母虺吹偕步民而搆亂緱汜蛾伏
共韓廣以稱兵遲昭能入投聚眾河阻呂母殺游徼負隅
海濱從扇雌風罔尊正朔况扶南柳葉雖壯健而身委混
填黎酋王娘從號令而命隕蕭斧又何能忠誠保吉視履
考祥綏百越以晏然平五嶺之叛換奩開鸞鏡演風雷八
陳之圖髻挽山雲奮辟易萬人之勢乎乃知七尺長乳奇

儀早箸於占蛇三捷望仙嚴律無愁於喪馬鼓吹旌節受
之何慚而且測蕭勃之潛謀聰慧無殊於念氏輔馮寶以
守正智算有類於比鉗可謂璇室之雄兒沙場之梟將矣
軍號娘子鳴銅鼓而士氣飛揚城列夫人拔赤幟而軍心
固守以視道宗之騎豕翻有須眉若况河東之吼獅安搖
唇齒者也

議

捍水議

玉屏雖叢介邑爲黔門戶扼楚咽喉形執據其衝要而城
濱大江岨多水患勝國天順二年隆慶三年天啟元年屢

被潰決入國朝康熙二十七年五十九年泉乾隆元年二十一年四十四年並遭洪流民居蕩析近者值雨澤浸多水輒至康衢余承乏之三月陰霖日久無江暴漲驚濤潰薄水不入鬪者僅尺許心甚惡之蓋江流自清浪入熊谿城西有獅子峯雄踞江口水無所泄其怒北有鎮平玉屏兩山仵障則水不得不折而東而城當其衝下流則書巖蓮峯隔江夾峙崎岸既狹疏瀉未易執亦逾奮迅倘山潦衝溢則水必不能瞰山以行而與城爲難矣是吾無止水之防而非水自潰其防也吾無容水之地而非水據吾之地也移城以避之則費巨費巨則庸愚駭委城以與之則

殃民殃民則蒼昊怒且如國家設有司之謂何暇日步郊
坵相地執思有以捍之議自北門至館驛取江中巨石砌
之爲塘高一丈仍於土石堆積之處掘之以攬江身俾廊
而有容用工不過百人爲期不過一月則居民可免淪胥
之患陽侯不得憑汎濫之威矣會余調署遵義不果行姑
存其議以俟後之克舉者

脩瀘谿縣城議

今縣城高不踰尋庌乃成堵不必縣布即可登陴乘以輒
后淪視荆榛蟠糾鼠竊狗偷之徒攀援而乘之也易易雖
時值隆平夜戶不閉而思患預防烏容已已儻值有事風

鶴頻驚養之而不能柵之而已緩適足快狡焉思啟者之心也擬於豐歲上請庫帑益令富戶捐助整脩小而能堅守之足固則卽壘蔽邑有抗敵之功新平巖城無缺角之恥渠非未雨綢繆之計乎

篇

茂學篇

余攝篆廣順州之日暇則進諸生校論文菽率皆條流紛糅訓辭樸僊由其采掇陳言罔知晉學也乃倣古人讚學勛學勸學厲學之文爲茂學篇以詔之

余聞之葛洪曰學者所以清澂性理飾染質素也徐幹曰

學者心之白日也王符曰學進於振而廢於窮顏之推曰
不學者遇議論得失蒙然如坐雲霧劉晔曰人不學則才
智腐於心芻由數賢之言味之學烏可已哉今夫蒸棗之
溫也不琢之不耀夜墨陽之勁也不淬之不剗犀故欲超
萬里於瞬息必假遺風之棄欲陵溟漲以泳游必泛瓊觴
之蟹是以蠶之不縲則素絲蝨矣目之不茶則吳簪壞矣
海蚌不剖則靈珠隱矣崑竹不斲則元音闕矣故曰爲山
者基於一簣之士以成千仞之階選井者起於三寸之坎
以就萬重之深也而顧篋詬無志詣窳無情羈神於世務
蠶午於微細不勤燂掌之勞甘受盲心之詆未省牛毛之

功顯召蟬雪之喻何異狄山之視因蹶淬之委蛇乎且所謂學者豈弟泥訓詁摘章句埒女史之誦詩內豎之傳令已哉忝蟻覆筌天胡爲而倚杵斲斷鼈步亥地胡爲而息壤日月何以有朏朧山川何以有肺目鬼神何以有形聲制氏之樂何以僅記其鏗鏘叔孫之禮何以祇通於縣蕤非可概例諸六合之外矣太昊稽象罍以畫卦燧人因鶚啄以鑽火有熊聞鳴鳳而調律侯剛觀鳥跡而作書邑夸法斗旋而作輅芒氏效蠶絲而造網是皆大聖人之學乎神明而發乎物類也不此之循而喬宇嵬璫之是急譏慤偃瞬之爲安以天理爲粉澤禮灋爲橘櫟仁義爲桎梏詩書

爲糟魄必且爭奇弔詭負利回冗等誣罔分從疑聖謦
言墜乎典謨誕思飛乎邪室妙門予谷之譚畫瓶箴喻之
旨競扇風規從事藻翰勞思慮而不知道費景晷而無成
功是瓊甌瑤釜無爨炊之用鏐弓飯絃無支屈之能故曰
不聞九乳之音不知絲竹之溜動不服六章之麗不知羈
繫之縣囊也夫文公多藝也而朝讀百篇尼父履度也而
鐵鎗三折翟烏周歷書載盈車句踐惡勞晦誦竟旦董謁
方外掌摹籀寫儀秦游說股畫裳題兒寬帶經以耒耨路
生截蒲以緝編黃霸下廷尉以受業邠卿處複壁以劭功
朱穆墜岸不知馬之幾臣文黨入叢先試斧之挂樹用能

洞精道奧窮測微言且太公望年七十而始學讀卓爲王
佐曾子七十乃學名聞天下荀況五十游學蔚爲老師公
孫弘四十餘方讀春秋朱雲四十始學易論語皇甫謐二
十始授孝經論語終成魁儒魏舒四十自課對策升第爲
世所仰或乃不希炳燭之明甘蹈夜行不冀桑榆之效悵
望東隅則愚不愈而智不贍世將厭厭之矣是以六藝備
則卑鄙化爲君子照鑒集則孤陋邈於貴游故曰覩姑櫟
之枝足以知其本之脩巨也鹽汪濊之波足以覺其源之
淵邃也雞之知將旦也鶴之知夜半也邇日之知晏也猥
豹之知雨也雒巢知風之所起獺穴知水之高下螭蛇無

翼而翔空蛭无鼻而聞香蟹蟹無口而揚聲水母無頭
目而率魚蝦帶江無面目而識音樂皆物之知也物知之
而人不知則蠶珥絲而商弦絕黃星墜而勃海沒銅山崩
而洛鐘應嶢山陀而萍落竭麒麟鬪而日月蝕鯨魚死而
彗星出問之有罕漫者矣其何能詳威斗而釋藻兼注紫
橐而含梲酒哉管敬仲矚俞兒新公知澹狸鬻倩喻畢方
廣川識重常中壘通貳負劉杳審仲師元遜曉侯囊杜萑
噉海鳧方古洞章茝之劍陸澄明服匿之器崔嘖析羊腸
之坂敬宗核顓頊之虛趙逸證太康之寺子野考滑題之
邦張謐測金龜之飛僧孺悉石鍼之用江淹推科斗於周

宣斯徵解罇于於干寶束之引影娥於洞冥貽孫實婦跪
於勃海鄭欽悟山銘於卅里寶儀對乾德於四季董養嚙
蒼鷺於狄泉隱侯定罨孟於東穹以及辨鯁鯉之獸形聆
角觶之人語數白馬之祠祭驗黃蛇之阿廢鑒肅伏之尺
寸診玉神之隱見讀龍門之鳥篆解苗茨之豐碑何異之
有學而已矣卽桂露飲能言之龜女乳灌疏屬之尸老桑
潰元緒之筍古木烹賈誼之味菖蒲塞風生之鼻鐘鼓致
商芋之鳴苦酒漬白魚之鮓肝臙節虬蟲之毒燒石投猓
獮之舌烏梅煮橫公之鱗事無前聞情疑浮誕然精驗潛
効有同響禽亦由沈羣鳥冊鑽習龍經故能濬情源於秀

逸發思業之高奇也人無論智愚儻擲心揖志磨礪就業則精神曉冷鈍聞條達猥俗不足以摸蘇浮名不足以營慧咸能洞知能之囊橐極文雅之英雄矣夫雷震之聲可寫以鐘鼓風雲之變可通以律管而謂聖心賢凡箸在往錄抱風合効詎難黨朗乎故曰咎繇雖喑而與辯者同功子野雖瞽而與離朱齊明也可不學哉可不學哉

釋衣篇

襦頭衣也次衣也罽毼面衣也金襴耳衣也褳臂衣也鞞亦臂衣也罽幕脰臂衣也鞞匡衣也亦伯袂袴脰衣也鞞尻衣也褳小兒頭衣也曰小兒蠻夸頭衣也褳褳小兒

衣也衽衿亦小兒衣也繫袴小兒次衣也製小兒居衣也
襁褓負小兒衣也製雨衣也簑簞亦雨衣也襦襦亦雨衣
也約纁涼衣也袷暑衣也袷大袷衣也製長衣也袷長衣
也又衣開孔也縗亦衣開孔也袷袷長衣也移長衣也
又衣張也翕呬衣張起也責衣長衣也袷衣長衣也袷衣
長衣也闊易衣長衣也袍袷好衣也袷衣好衣也袷袷衣
好衣也襦襦袷短衣也襦祗襦短衣也襦羅衣也又短衣
也襦大衣也襦衣博大也襦小衣也襦衣小也布母縛小
衣也襦垢衣也袷袷敝衣也襦袷皆敝衣也襦衣敝衣也
襦襦衣敝衣也袷故衣也襦襦敝衣也襦衣壞也縗亦敝

衣也織細布衣也褐粗衣也袷夾衣也褹褹衣厚也襪衣
厚皃也襞疊衣也稱衣單複具也衽衽皆單衣也構衽亦
單衣也禡亦單衣也襲重衣也襲重衣也複亦重衣也襦
重衣皃也裋衣一襲也和衷衣也衷襪衣也裏衣內也表
上衣也襍衣表也褻親身衣也輪近身衣也澤褻衣也廁
屨中衣也連縫纓衣也裔衣裙也紉縹補衣也褫襴羽衣
也髯裘毛衣也褻繅衣也被寢衣也裏香衣也褻丹縠衣
也衺乎衣也又畫衣也絃黑衣也袍亦黑衣也褚絮衣也
襁衣光也綖縵衣聲也翠縵亦衣聲也襲襲衣聲也祿襪
亦衣聲也縶衣聲也褻新衣聲也旅衣服皃也佔佔衣裳

張其成文集

衣也視衣縷也齊謂之纁也離袿衣之帶也襪袿衣飾也
圭衣刻形如圭綴衣上也帆衣衿也紵衣系也又禪衣也
幘婦人脅衣也幘女人衣巾也紵嫁者衣也衽襪皆婦人
上衣也宜衿婦人初嫁所服之上衣也景婦人行道禦塵
之衣也縞衣白色男服也幘裳與衣連也皆交衣領處也
褊衣背縫也褊衽衣也衽摩展衣也褊奴衣也褊裘胡衣
也衽戎衣也衷蠻袴衣也褊亦蠻袴衣也縞狄衣也褊宛
人衣也縞袂鬼衣也縞亦鬼衣也縞衣官名也復陶衣官
名也又秦遺瑩羽衣也縞蠶衣也縞牛衣也帙書衣也帙
褊劍衣也縞亦劍衣也縞甲衣也縞鞬弓衣也縞鞬亦弓

衣也簡韃矢衣也魚服亦矢衣也彌東弓弩衣也幘棺衣也衽車衣也輜衣車也童容亦車衣也帑覆車衡衣也微若今救火衣也